

ليت الولد

هذا انت وما تقدر تسويه بي سوّه
انا فتيل وهذا عالم طافي
للريح جلد طري وكان متشوّه
في دم هاك الصغير الين الحافي
العمر ما عاد ينفع ليته ولوّه
وكاد ما هو غطاي ولا هو لحافي
صار العصا .. في جميله راعي مروّه
ياما تسند عليه من التعب وافي
كبرت ورد الولد غير وكثر سوّه
بعضه غدا شيب وبعضه كان بي دافي

فهد دوحان

ليت الولد كمّل الدنيا على الدوّه
ينبت عليه الندى والعشب وهو غافي
وان غمض عيونه ونام وطفى ضوّه
تلعثم النور فنجوم السما الصافي
عذب تشيطن ملاكه وامتلا جوّه
وارتجت الأرض فيه ورد لأطرافي
ما ظل له حول في جلدي ولا قوّه
ترك لي البير يملأ دلوه السافي
يلعنك عمر معك ما تكمل الخوّه
خليتني لليباس وقلت لي كافي

يستشف (الضايق) شعور الرحابه
لا وقف (تايب) على ابواب المساجد
جعل مالي غير دعوة مستجاباه
تنقبض روعي وانا خاشع وساجد
وجعلني في عين ربعي والقرباه
نايف ومستور ومشبّب وماجد
أخلق من الشعر للضامي سحابه
وللمسا شمس من خيوط العساجد
وفي زمان اللامحال ولا غرابه
صعب تلقى (قلب حي) .. وصعب تاجد :
واحد يردع صديقي عن غياباه
ويبلغه عني ليا عض النواجد
الصداقة ماهي بشعر وكتابه
الصداقة : موقف وفعل وتواجد
أسمي و جهدي على راسه عصابه
لا هجده من الزمن والضيق هاجد
مير .. لا صارت قصيد وما يشابه
يرخي الدينار .. والشعار واجد !!
محمد جارالله السهلي

دعوة مستجابة